

天津圖書館珍藏
清人別集善本叢刊
十三

天津圖書館編



天津古籍出版社

天津圖書館珍藏
清人別集善本叢刊

十三

天津圖書館編

目錄

兼隱齋詩鈔

劉中柱 撰

一

石桐先生詩鈔

李懷民 撰

二一一

薌巖詩稿

劉懷祖 撰

三九一

湘帆詩集

劉希愈 撰

五〇三

涵虛堂詩草

牟葵陽 撰

六三九

兼隱齋詩鈔

劉中柱
撰

兼隱齋詩鈔卷一

癸卯起
丁未止

寶應

劉中柱

雨峰

古意

秋雲蔽簾櫳朝光韜若夕佳人被綺素顏悴無
脂澤纖手理瑤琴一彈心不懌再彈雙淚垂撫
音念疇昔疇昔方弱齡寶身比珠璧于歸既有
時陽九值夫厄狐狸穿其堂鼯鼠攻其壁家破
何所容自覺天地窄漫漫無終期委身將奚適

讀史四首

神龍馭八極分封樹藩屏四子勇過人胡爲置

北平虎猛復假翼敵強反借兵太孫太寶嗣皇
叔異謀生金川旣失守緇衣得微行燕王據天
位正義頗難明咄哉高庶人再傳還相爭貽謀
實教之太息心怛怛

我聞古盛世守邊戒興師英宗旣八載瓦剌國
勢滋舉兵大入寇親征命忽施黑雲密如繖天
意詎難知倏忽敵圍合四面張戎旗全軍皆覆
沒尊安所依趙家壁一失秦人貨乃奇款關
邀重賂郕王空狐疑矯矯于少保國是果能持
惜哉忠讜言不及易儲時善處骨肉間自昔皆

難之思彼唐鄴侯邈然不可期

禍水必滅火狐媚能惑主國本阻宮闈顯皇非
神武如意寵最深孝惠誰爲輔抗言十四官同
時逢震怒妖書續憂危詛咒類巫蠱私終難勝
公大義懸千古摘瓜謀未成前星光遂睹卓哉
諸諍臣口舌真有補

列代中業衰多由宦官盛甫節擅朝權數傳非
一姓熹宗東廠開魏氏尤亂政煖閣擁私人朝
家稱奉聖龍飛旣在握虎翼斯彌橫銀鐙繫清
流赤日霜花迸三木怨囊頭五毒悲沉命如何

西苑間縱酒方歡慶信藩真英武貂璫一時屏
唯畱諸賢名丹心青史映

王郎擊鼓歌

世間男兒誰足數王郎意氣橫今古淋漓慷慨
酒半酣拂袖長歌前擊鼓上驚高山猿鹿奔下
起幽壑蛟龍舞我聞鼓聲思古人摻搥漁陽心
獨苦可惜當時空失身曹瞞豈是英雄王我輩
相看老煙霞一笠一簑釣江浦功名富貴何所
補噫吁噓功名富貴何所補

虞美人花歌

咸陽三月火絕塵楚漢爭戰驚鬼神漢家壇上
拜名將楚王帳裏擁美人子弟入千膏原野獨
有虞姬未死身虞姬不死羽不死英雄氣盡戀
女子可憐千載作春花顏色當時只如此

讀先司馬公離騷註有感

東南倡節義端文垂芳規

端文顧公憲成

中憲真卓犖

中憲高公攀龍

比肩相追隨我公起淮海名爲賢者推

劉公宗周疏稱三公爲東林領袖

古道肅冠裳清風振鬚眉時

俗尙工巧好修非所宜寒樹無春榮窮竈少炎
炊殷憂不得志耿耿註楚詞中心契幽冥江潭

接射陂豈徒悅椒桂花艸紛陸離

里中懷古三首

長湖一片水洋洋波湧天心撼郭墻風雨古祠

存二士

二烈士祠祀漢臧洪陳容

兔狐荒塚失三王

邑東有三王墓

元時

翰林馬跡生春艸

李太白過白田有馬上聞鶯詩

王簿詩

碑倚夕陽

儲光羲爲邑尉有詩碑

鐵甲金鞍成往事陳侯

墓上樹蒼涼

洪武初陳文從征有功封東海侯墓在北郭外

陳琳一公文章少

陳琳墓在射陽

直到前朝說左朱

邑

云左朱右冀朱指凌谿射陂兩先生也

香醉山畱名士蹟

凌谿築香醉山

上有崆峒

鏡心樓入画工圖

射陂建鏡心樓於湖濱望之如画景

弇州詩刻

南方財賦關民瘼

冀公諱綺為南北府尹多著惠政

帝都

張公諱旦為戶部郎中督餉大同有聲時為北門鎖鑰

嘆惜職方遺

世後東林舊社滿蘼蕪

先職方公為東林領袖

烈女祠邊夕照多

烈女祠為戚氏婦建

真如院裏晚鴉過

唐真如尼於天寶中獲十三寶

蒹葭秋冷金釵澗

澗在湖西楊柳春

拖玉帶河

河繞泮宮前

能画孝廉歸碧落

陶懋學工画聲價冠

一題詩徵士付滄波

吳敏道有詩名

千秋有恨憑誰寄

傾盡殘樽發浩歌

荅贈梁鷓林依來韻

忍冬花早茂小屋結中間人淡真如古境幽卽

是山千秋憑考訂四序任循環不學長生訣丹
砂自滿顏

遊僊

彩雲不終朝奇葩無停宿浮生復幾何況乃驚
塵俗我心融清冰我貌削寒玉僊人與我期招
我在雲谷行行策短筇縹囊書一束鸞鳳使先
驅虬龍爲後屬圓嶠何崔嵬屐底瀉飛瀑反顧
天地間蠕蠕相徵逐洪崖駕青兕浮丘乘白鹿
翩然華蓋君吹笙出林木飲我以瓊漿被我以
羽服共說古軒轅訪道居王屋凌空望五城去

聽咸池曲

戰馬

鳴鳴銅角響荒山無數桃花夕照間
江上近來頻戰伐霜蹄不走玉門關

爲冰壑悼亡四首

弄玉由來是謫僊人間二妙正齊年
誰知期滿回蓬島剩有蕭郎泣斷絃

織錦援書意若何篝燈佐讀十年多
而今看到傷心處機上蟲絲網舊梭

舉案從夫耐苦辛愛夫詞賦本驚人
時窮偶爾

貂裘敝典盡釵衣不怨貧

虬漏將殘啼暝烏幼兒淒楚哭聲孤關情要自
悲予妹薄命無緣得識姑

送某總戎由山右遷官入蜀

寶馬長嘶劍佩雄孤身萬里入蠶叢名傳隴右
新飛將望重汾陽舊令公銅角春吹秦棧雨鐵
衣夜度蜀江風此行莫惜崎嶇苦麟閣他年好
記功

春日山居

春城碧如山晨光蕩雙目風吹散陽和欣欣見

林木歲月何荏苒勞生多局促楚膏披素書我
亦無寧宿靜觀分苦歡微念別理欲振衣陟松
峯長嘯滿空谷

讀曹叅傳

賣履分香後雀臺幾箇登中山畱正統誰許號
西陵

閉門

溪山消暑氣不雨晝冥冥烟伏燒丹竈毛遺放
鶴亭松喬憑遠夢懷葛得殘經塵海交游裏何
當雙眼青

贈友

江風吹浪白如雪江南樹染啼鵲血月明來挂
渡江帆高歌擊楫驚蛟穴青山埋骨壯士死天
下幾人號英傑男兒生不逢辰何所爲酒酣怒
拔腰下鐵腰下之鐵響錚錚劈雲雲斷砍山裂
雲可斷山可裂中心憂何時絕

哭李玉匙四首

淚灑郊原春草凋精魂縹緲渡河橋一肩書劍
猶如舊回首金門恨未消

玉笛吹殘咽水流不堪重上竹西樓當時容易